

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ ВАЗИРИНИНГ
БУЙРУҒИ**
**ОЛИЙ ВА ЎРТА МАХСУС, КАСБ-ХУНАР ТАЪЛИМИ МУАССАСАЛАРИДА
ЎҚИТИШНИНГ ТЎЛОВ-КОНТРАКТ ШАКЛИ ВА УНДАН ТУШГАН
МАБЛАҒЛАРНИ ТАҚСИМЛАШ ТАРТИБИ ТЎҒРИСИДАГИ НИЗОМНИ
ТАСДИҚЛАШ ҲАҚИДА**

**[Ўзбекистон Республикаси Адлия вазирлиги томонидан 2013 йил 26 февралда
рўйхатдан ўтказилди, рўйхат рақами 2431]**

Ўзбекистон Республикаси Вазирлар Маҳкамасининг 2004 йил 20 июлдаги 341-сон «Ўзбекистон Республикаси Олий ва ўрта махсус таълим вазирлиги фаолиятини такомиллаштириш тўғрисида»ги қарорига (Ўзбекистон Республикаси қонун ҳужжатлари тўплами, 2004 й., 29-сон, 332-модда) мувофиқ буюраман:

1. Олий ва ўрта махсус, касб-хунар таълими муассасаларида ўқитишнинг тўлов-контракт шакли ва ундан тушган маблағларни тақсимлаш тартиби тўғрисидаги низом **иловага** мувофиқ тасдиқлансин.

2. Мазкур буйруқ расмий эълон қилинган кундан эътиборан кучга киради.

Вазир Б. ХОДИЕВ

Тошкент ш.,
2012 йил 28 декабрь,
508-сон

Ўзбекистон Республикаси Олий ва ўрта махсус таълим вазирининг 2012 йил 28 декабрдаги 508-сон **буйруғига**
ИЛОВА

**Олий ва ўрта махсус, касб-хунар таълими муассасаларида ўқитишнинг тўлов-контракт шакли ва ундан тушган маблағларни тақсимлаш тартиби тўғрисидаги
НИЗОМ**

Мазкур Низом Ўзбекистон Республикасининг «**Таълим тўғрисида**»ги (Ўзбекистон Республикаси Олий Мажлисининг Ахборотномаси, 1997 й., 9-сон, 225-модда) ва «**Кадрлар тайёрлаш миллий дастури тўғрисида**»ги (Ўзбекистон Республикаси Олий Мажлисининг Ахборотномаси, 1997 й., 11-12-сон, 295-модда) қонунларига мувофиқ олий ва ўрта махсус, касб-хунар таълими муассасаларида (бундан буён матнда таълим муассасалари деб юритилади) ўқитишнинг тўлов-контракт (бундан буён матнда контракт деб юритилади) шаклини белгилаш ва ундан келиб тушадиган маблағларни тақсимлаш тартибини белгилайди.

1 боб. Умумий қондалар

1. Мазкур Низом Ўзбекистон Республикаси Давлат бюджетидан молиялаштирилдиган таълим муассасаларига татбиқ этилади.

Мазкур Низом олий таълим муассасаларида ташкил этиладиган олий ўқув юртидан кейинги таълим тизимида ҳамда малака ошириш ва қайта тайёрлаш тизимида, шунингдек ҳарбий таълим муассасаларига татбиқ этилмайди.

Олдинги таҳрирга қаранг.

2. Қонун ҳужжатларига мувофиқ, таълим муассасаларига контракт асосида ўқишга қабул қилиш Ўзбекистон Республикаси Президенти ёки Вазирлар Маҳкамасининг қарори билан тасдиқланган қабул квоталари доирасида ҳамда қабул квоталаридан ташқари Ўзбекистон Республикаси таълим муассасаларига қабул қилиш бўйича Давлат комиссияси (бундан буён матнда Давлат комиссияси деб юритилади) томонидан амалга оширилади.

(2-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғи(рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

3. Хорижий фуқароларни таълим муассасаларига ўқишга қабул қилиш Ўзбекистон Республикаси Вазирлар Маҳкамасининг 2008 йил 4 августдаги 169-сон «Хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш тартибини такомиллаштириш тўғрисида»ги қарорига (Ўзбекистон Республикаси қонун ҳужжатлари тўплами, 2008 й., 31-32-сон, 304-модда) мувофиқ контракт асосида амалга оширилади.

Олдинги таҳрирга қаранг.

Хорижий фуқароларни Тошкент давлат юридик университетига ўқишга қабул қилиш Ўзбекистон Республикаси Вазирлар Маҳкамасининг 2017 йил 2 июндаги 347-сон «Тошкент давлат юридик университетида кадрлар тайёрлаш тизимини янада такомиллаштириш чора-тадбирлари тўғрисида»ги қарорига мувофиқ амалга оширилади;

(3-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғига асосан иккинчи хатбоши билан тўлдирилган (рўйхат рақами 2431-1, 13.10.2017 й.) — Қонун ҳужжатлари маълумотлари миллий базаси, 2017 й.)

Ўзбекистон Республикасининг «Таълим тўғрисида»ги Қонунига асосан Ўзбекистон Республикасида истиқомат қилаётган фуқаролиги бўлмаган шахслар билим олишда Ўзбекистон Республикаси фуқаролари билан тенг ҳуқуқларга эга.

4. Олий таълим муассасаларида иккинчи ва ундан кейинги олий маълумотни олиш Ўзбекистон Республикаси «Таълим тўғрисида»ги Қонунининг 14-моддасига асосан контракт асосида амалга оширилади.

II боб. Олий таълим муассасаларида ўқитиш учун контрактнинг расмийлаштирилиши

5. Олий таълим муассасаларида ўқитиш учун контракт икки ёки уч томонлама расмийлаштирилиши мумкин бўлиб, унинг тарафлари қуйидагилар ҳисобланади:

икки томонлама контрактда: бир томондан — олий таълим муассасасининг ваколатли шахси, иккинчи томондан — абитуриент ёки талаба ёхуд уларнинг ота-онаси (ёки уларнинг ўрнини босувчи шахслар);

уч томонлама контрактда: бир томондан — олий таълим муассасасининг ваколатли шахси, иккинчи томондан — юридик ёки жисмоний шахс (бундан буён матнда буюртмачи деб юритилади), учинчи томондан — абитуриент ёки талаба ёхуд уларнинг ота-онаси (ёки уларнинг ўрнини босувчи шахслар).

Контрактлар ҳар бир тараф учун бир нусхадан расмийлаштирилади.

6. Контрактда шартноманинг бажарилиш муддатлари, ҳисоб-китоб қилиш тартиби, тарафларнинг ҳуқуқлари ва мажбуриятлари, шартнома мажбуриятлари бажарилмаганда ёки лозим даражада бажарилмаганда тарафлар учун вужудга келиши мумкин бўлган ҳуқуқий оқибатлар, низоларни ҳал этиш тартиби ҳамда тарафларнинг реквизитлари, шартнома тузилган сана ва жой ҳамда бошқа муҳим шартлар назарда тутилиши лозим.

7. Контрактлар Давлат комиссиясининг абитуриентларни контракт асосида талабалikka тавсия этиш тўғрисидаги қарори (бундан буён матнда Давлат комиссиясининг қарори деб юритилади) қабул қилинганидан сўнг расмийлаштирилади.

8. Давлат комиссиясининг қарорига асосан талабалikka тавсия этилган абитуриентларни мазкур Низомда белгиланган тартибда контрактда назарда тутилган тегишли тўловлар амалга оширилгунига қадар ёки абитуриентларни талабалikka қабул қилиш бўйича олий таълим муассасасининг буйруғи қабул қилингунга қадар олий таълим муассасасининг тегишли буйруғига асосан дарсларда қатнашиб туришига рухсат этилади.

9. Тегишли комиссиялар томонидан белгиланган тартибда ўқишини кўчиришга ёки қайта тиклашга тавсия этилган талабаларни ҳам мазкур Низомда белгиланган тартибда контрактда назарда тутилган тегишли тўловлар амалга оширилгунига қадар олий таълим муассасасининг тегишли буйруғига асосан дарсларда қатнашиб туришига рухсат этилади.

Олдинги таҳрирга қаранг.

10. Тарафлар ўртасида тузилган контрактга мувофиқ тўловни амалга оширилганлиги тўғрисидаги банк тўлов топшириқномаси ёки квитанцияси нусхаси, шунингдек тўловларнинг олий таълим муассасасининг ҳисобварағига келиб тушганлиги асосида абитуриентни ёки тегишли комиссиялар томонидан белгиланган тартибда ўқишини кўчиришга ёхуд қайта тиклашга тавсия этилган талабаларни олий таълим муассасасига талабаликка қабул қилиш тўғрисидаги буйруқ чиқарилади.

(10-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли *буйруғи (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)*

11. Қонун ҳужжатларига мувофиқ, ўқув йили давомида Давлат комиссиясининг қарори қўшимча равишда чиқарилганда ёки Давлат комиссияси томонидан тўловларни амалга ошириш муддати узайтирилганда, абитуриентни ёки белгиланган тартибда ўқишини кўчиришга ёхуд қайта тиклашга тавсия этилган талабаларни олий таълим муассасасига талабаликка қабул қилиш тўғрисидаги тегишли буйруқни чиқариш муддати ҳам узайтирилиши мумкин.

III боб. Олий таълим муассасаларида контракт асосида ўқитишнинг тўлов миқдори ва уни амалга оширилиши

12. Олий таълим муассасаларида контракт асосида ўқитишнинг тўлов миқдори билим соҳалари, соҳа ва таълим йўналишлари, таълим шакллари (ишлаб чиқаришдан ажралган ёки ажралмаган ҳолда) ва таълим босқичлари (бакалаврият, магистратура, иккинчи ва ундан кейинги таълим) бўйича алоҳида, ҳар ўқув йили учун белгиланади.

13. Олий таълим муассасаларида контракт асосида ўқитишнинг тўлов миқдори Ўзбекистон Республикаси Вазирлар Маҳкамасининг 2009 йил 20 августдаги 237-сон «Республика олий таълим муассасаларини молиявий жиҳатдан янада мустаҳкамлаш чоралари тўғрисида»ги *қарорига* мувофиқ Ўзбекистон Республикаси Молия вазирлиги томонидан Олий ва ўрта махсус таълим вазирлиги ҳамда бошқа манфаатдор вазирлик ва идоралар билан келишилган ҳолда белгиланади.

14. Хорижий фуқароларни олий таълим муассасаларида контракт асосида ўқитишнинг тўлов миқдори Ўзбекистон Республикаси Вазирлар Маҳкамасининг 2008 йил 4 августдаги 169-сон «Хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш тартибини такомиллаштириш тўғрисида»ги *қарорига* мувофиқ, Ўзбекистон Республикаси Молия вазирлиги ва таълим муассасаларига эга бўлган бошқа вазирлик ва идоралар билан келишган ҳолда Олий ва ўрта махсус таълим вазирлигининг таклифи асосида Давлат комиссияси томонидан белгиланади.

15. Олий таълим муассасаларида контракт асосида ўқитишнинг тўлов миқдорини белгилаш бир талабани ўқитиш билан боғлиқ харажатлар миқдоридан келиб чиқиб амалга оширилади.

16. Бир талабани ўқитиш билан боғлиқ харажатлар миқдори қуйидаги мезонларни инобатга олган ҳолда белгиланади:

қабул квотаси ва бино-иншоотлар қуввати ўртасидаги мутаносиблик;

таълим йўналишлари ва таълим жараёни хусусиятлари;

бир ўқитувчига тўғри келадиган талабалар сони нисбатининг чекланган нормативлари;

ўқитиш муддатлари ва бошқалар.

17. Олий таълим муассасалари фаолиятини таъминлаш учун зарур бўлган маблағларнинг етишмайдиган қисми олий таълим муассасаларини сақлашга ажратиладиган Ўзбекистон Республикаси Давлат бюджети маблағлари ҳисобидан қопланади.

Олдинги таҳрирга қаранг.

18. Иш ҳақи ва стипендиялар миқдорларининг, энергия ресурслари, коммунал ва эксплуатация хизматларининг нархлари ва тарифлари ўзгариши муносабати билан

контракт асосида ўқитишнинг тўлов миқдори (оширилган тўлов-контракт миқдори бундан мустасно) ўқув йили давомида қайта кўриб чиқилиши мумкин.

(18-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

19. Ўқув йили давомида контракт асосида ўқитишнинг тўлов миқдори ўзгарганда олий таълим муассасаси томонидан ўқитиш учун тўлов қайта ҳисоб-китоб қилинади ва контрактга тегишли ўзгартиришлар киритилади.

Бунда, қайта ҳисоб-китоб фақатгина ўқув йилининг қолган муддати учун амалга оширилади.

Қайта ҳисоб-китоб натижасида тўланиши лозим бўлган қўшимча маблағ, ўқитиш учун тўловни оширилганлиги тўғрисидаги хабарнома олинган кундан бошлаб бир ой муддатда амалга оширилиши лозим.

Ўқитишнинг тўлов миқдори камайтирилганда ортиқча тўланган маблағ кейинги тўловлар ҳисобига ўтказилади ёки тўловни амалга оширган тарафнинг ёзма мурожаатига кўра қайтариб берилади.

20. Олий таълим муассасаларида контракт асосида ўқитиш учун белгиланган миқдордаги тўлов ўқув йилида тўлиқ ёки қисман (бирок, биринчи тўлов тегишли ўқув йили учун белгиланган тўлов миқдорининг 50 фоизидан кам бўлмаган ҳолда) мазкур Низомнинг 22-бандида ёки контрактда белгиланган муддатларда амалга оширилади.

Олдинги таҳрирга қаранг.

21. Ўзбекистон ёшлар иттифоқи томонидан моддий ёрдам сифатида талабаларини ўқитиш учун тўловлар қонун ҳужжатларига мувофиқ амалга оширилади.

(21-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғи (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

22. Контракт асосида ўқитиш учун тўлов ўқув йилининг қуйидаги муддатларида:

белгиланган тўлов миқдорининг камида 50 фоизи — талабаликка тавсия этилган абитуриентлар учун 15 сентябргача, иккинчи ва ундан кейинги босқич талабалар учун 1 октябргача;

қолган қисми (қисмларга бўлиб тўланган ҳолларда ҳам) — 1 мартгача амалга оширилади.

Олдинги таҳрирга қаранг.

Қўшимча оширилган тўлов-контракт асосида қабул қилинган абитуриентларнинг биринчи ўқув йили учун тўлови Давлат комиссияси томонидан белгиланган муддатларда амалга оширилади.

(22-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғига асосан хатбоши билан тўлдирилган (рўйхат рақами 2431-1, 13.10.2017 й.) — Қонун ҳужжатлари маълумотлари миллий базаси, 2017 й.)

Олдинги таҳрирга қаранг.

23. Хорижий фуқароларни ўқитиш учун белгиланган тўловлар миллий валютада амалга оширилади, қонун ҳужжатларига мувофиқ тўловлар чет эл валютасида амалга оширилиши мумкин бўлган ҳолатлар бундан мустасно.

(23-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғи (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

24. Қонун ҳужжатларига мувофиқ, ўқув йили давомида Давлат комиссиясининг қарори қўшимча равишда чиқарилганда олий таълим муассасаларига контракт асосида қабул қилинган абитуриентлардан ўқитиш учун тўлов фақат ўқув йилининг қолган муддати учун олинади.

Бунда, ўқув йилининг қолган муддати сифатида олий таълим муассасасининг абитуриентни дарсларга қатнашишга рухсат бериш тўғрисидаги буйруғида дарсларга

қатнашиши белгиланган ойнинг биринчи санасидан ўқув йилининг охиригача бўлган давр тушунилади.

Олдинги таҳрирга қаранг.

Оширилган тўлов-контракт миқдори Давлат комиссиясининг қарори ҳамда олий таълим муассасасининг абитуриентларни дарсларга қатнашишга рухсат бериш тўғрисидаги буйруғи қабул қилинган санадан қатъи назар, тўлиқ тўланади. Бунда, стипендия абитуриентларни дарсларга қатнашишга рухсат берилган ойнинг биринчи санасидан ўрнатилган тартибда белгиланади.

(24-банднинг учинчи хатбошиси Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

25. Ўқув йилининг қолган муддати учун тўлов миқдори ўқув йилининг охирига қадар қолган ойлар сонини тегишли ўқув йилига тасдиқланган ўқитишнинг тўлов миқдорининг ўн иккидан бир қисмига кўпайтириш орқали аниқланади.

26. Олий таълим муассасалари битирувчи курс талабаларининг охирги ўқув йили (қисмларга бўлиб тўланганда охирги ўқув семестри) учун тўлов, тўловнинг белгиланган миқдоридан июль ва август ойлари учун тўланадиган стипендия миқдорини чегириб қолиш орқали амалга оширилади.

Бунда, чегириб қолинадиган стипендия миқдори контракт асосида ўқитиш учун тўлов миқдорининг охирги белгиланган стипендиянинг миқдори 0,75 коэффиценти қўлланган базавий миқдоридан келиб чиқиб аниқланади.

 *LexUZ шарҳи*

Қўшимча маълумот учун қаранг: Ўзбекистон Республикаси олий ва ўрта махсус таълим вазирининг 2014 йил 17 июндаги 2-сонли буйруғи билан тасдиқланган «Олий ва ўрта махсус, касб-ҳунар таълими муассасаларида ўқитишнинг тўлов-контракт шакли ва ундан тушган маблағларни тақсимлаш тартиби тўғрисидаги низомнинг 26-бандига (рўйхат рақами 2431, 2013 йил 26 февраль)» расмий шарҳ.

Олдинги таҳрирга қаранг.

27. Талаба ўқув интизомини ва олий таълим муассасасининг ички тартиб-қоидаларини бузганлиги, бир семестр давомида дарсларни узрли сабабларсиз 74 соатдан ортиқ қолдирганлиги ёки ўқитиш учун белгиланган миқдордаги тўловни ўз вақтида амалга оширмаганлиги сабабли талабалар сафидан четлаштирилганда ёхуд белгиланган муддатларда фанларни ўзлаштира олмаганлиги (академик қарздор бўлганлиги) сабабли курсдан қолдирилганда олий таълим муассасаси томонидан унинг тегишли ўқув семестри учун амалга оширилган тўлови қайтариб берилмайди.

(27-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғи (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

Олдинги таҳрирга қаранг.

Бунда, оширилган тўлов-контракт асосида талабаликка қабул қилинганлар биринчи курснинг биринчи семестри давомида талабалар сафидан четлаштирилганда улар томонидан амалга оширилган тўловнинг 50 фоизи қайтариб берилмайди.

(27-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғига (рўйхат рақами 2431-2, 27.03.2018 й.) асосан хатбоши билан тўлдирилган — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

28. Талаба қуйидаги сабабларга кўра талабалар сафидан четлаштирилганда олий таълим муассасаси томонидан унинг ўқиган муддати учун ҳақиқатда сарфланган харажатлар чегирилган ҳолда тегишли ўқув йили ёки семестри учун олдиндан амалга оширилган тўловнинг қолган қисми контрактнинг тегишли тарафи ёзма мурожаатига кўра қайтариб берилади:

ўз хоҳишига биноан;

ўқишнинг бошқа таълим муассасасига кўчирилиши муносабати билан;
саломатлиги туфайли (тиббий комиссия маълумотномаси асосида);
талаба суд томонидан озодликдан маҳрум этилганлиги муносабати билан;
вафот этганлиги сабабли.

Олдинги таҳрирга қаранг.

Бунда, оширилган тўлов-контракт асосида талабаликка қабул қилинганлар биринчи курсда талабалар сафидан четлаштирилганда қайтариладиган тўлов миқдори ўқув йилининг охирига қадар қолган ойлар сонини тегишли ўқув йилига тасдиқланган ўқитишнинг оширилган тўлов-контракт миқдорининг ўн иккидан бир қисмига кўпайтириш орқали аниқланади ва контрактнинг тегишли тарафи ёзма мурожаатига кўра қайтариб берилади.

(28-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғига (рўйхат рақами 2431-2, 27.03.2018 й.) асосан хатбоши билан тўлдирилган — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

29. Талаба ўқув йили давомида қонун ҳужжатларига мувофиқ академик таътилга чиққан ҳолларда ҳам олий таълим муассасаси томонидан унинг ўқиган муддати учун ҳақиқатда сарфланган харажатлар чегирилган ҳолда тегишли ўқув йили ёки семестри учун олдиндан амалга оширилган тўловнинг қолган қисми контрактнинг тегишли тарафи ёзма мурожаатига кўра қайтариб берилади.

Бунда, ўқув йили ёки семестри бошидан олий таълим муассасаси томонидан талабанинг талабалар сафидан четлатилганлиги ёки академик таътилга чиққанлиги ҳақидаги буйруқ чиқарилган ойнинг охириги санасигача бўлган давр, талабанинг ўқиган муддати ҳисобланади.

30. Ўқув йили давомида ўқишга қабул қилинган ёки қайта тикланган талабалар, фақат ўқув йили охиригача қолган муддат учун тўловларни амалга оширади.

Олдинги таҳрирга қаранг.

Бунда, тўловлар талабани ўқишга қабул қилинганлиги ёки қайта тиклаганлиги муносабати билан дарсларга қатнашишга рухсат бериш тўғрисидаги буйруқда дарсларга қатнашиши белгиланган ойнинг биринчи санасидан ўқув йили охиригача бўлган давр учун ҳисобланади ва мазкур даврда ўрнатилган тартибда стипендия тўланади.

(30-банднинг иккинчи хатбоши Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

Олдинги таҳрирга қаранг.

Белгиланган муддатларда фанларни ўзлаштира олмаган (академик қарздор бўлган) талаба курсдан қолдирилганда тўлов миқдори ўқиши давом этадиган ўқув семестри учун амалга оширилади.

(30-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли буйруғига асосан хатбоши билан тўлдирилган (рўйхат рақами 2431-1, 13.10.2017 й.) — Қонун ҳужжатлари маълумотлари миллий базаси, 2017 й.)

31. Ҳар янги ўқув йили бошлангунига қадар олий таълим муассасаси томонидан контракт асосида ўқитишнинг белгиланган тўлов миқдори талабалар эътиборига етказилиши лозим, тўлов миқдори ўзгармаган ҳоллар бундан мустасно.

32. Олий таълим муассасаси билан абитуриент ёки талабани контракт асосида ўқитиш учун контракт тузган буюртмачи белгиланган муддатда тўловни амалга ошириш имкониятига эга бўлмаганда, контракт бошқа буюртмачи билан белгиланган тартибда қайта расмийлаштирилиши мумкин.

Бунда, контрактни қайта расмийлаштиришга абитуриент ёки талабанинг аризаси ёхуд аввал контрактни расмийлаштирган буюртмачининг абитуриент ёки талабани ўқитиш учун тўлов қобилияти йўқлиги тўғрисида олий таълим муассасасига қилинган ёзма мурожаати асос қилиб олинади.

33. Бюджет ташкилотларининг Ўзбекистон Республикаси Давлат бюджети маблағлари, шунингдек ўқитишнинг контракт шаклидан тушган ёки Бюджет ташкилотларини ривожлантириш жамғармаси маблағлари ҳисобидан ўқитиш учун тўловларни амалга оширилиши тақиқланади.

IV боб. Ўқитишнинг контракт шаклидан тушган маблағларни олий таълим муассасалари томонидан тақсимланиши

Олдинги тахрирга қаранг.

34. Ўқитишнинг контракт шаклидан шу жумладан оширилган тўлов-контракт асосида тушган маблағлар олий таълим муассасаси даромадига киритилади ҳамда белгиланган тартибда тасдиқланган даромадлар ва харажатлар сметасида қуйидагиларга сарфлаш учун тақсимланиши мумкин:

(34-банднинг биринчи хатбоиши Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

олий таълим муассасаларининг ишлаб чиқаришдан ажралган ҳолда контракт асосида таълим олаётган талабаларига (хорижий талабалардан ташқари) стипендиялар тўлашга;

олий таълим муассасалари ходимларининг иш ҳақи ва унга тенглаштирилган тўловлари, шунингдек ягона ижтимоий тўловлар бўйича харажатларни тўлашга;

олий таълим муассасаларида бино ва иншоотларни сақлаш ҳамда коммунал хизматлар бўйича харажатларни тўлашга;

мавжуд кредитор қарзларни узишга;

ўқув-лаборатория бинолари, талабалар турар жойлари ҳамда бошқа бино ва иншоотларни, асбоб-ускуналарни жорий ва капитал таъмирлашга, олий таълим муассасасининг худудини ва атрофини ободонлаштиришга, шунингдек қурилиш-тиклаш ишларига;

ўқув, илмий-тадқиқот ва лаборатория жиҳозлари, юмшоқ ва қаттиқ инвентарлар, мебеллар, ўқитишнинг техник воситалари, компьютер техникаси ва уларнинг эҳтиёт ҳамда бутловчи қисмларини, керакли материалларни ва бошқаларни сотиб олиш ҳамда таъмирлашга;

олий таълим муассасаси Ахборот-ресурс маркази (кутубхона) фондини тўлдирishга;

«Маънавият ва маърифат» тадбирлари, «Универсиада» ва «Баркамол авлод» спорт тадбирлари, «Нихол» ижодий фестивалларини ўтказишга;

Ўзбекистон Республикаси Президентининг «Истеъдод» жамғармаси йўналиши бўйича хорижий олий ўқув юртларида истиқболли ёш педагог ва илмий кадрларни малакасини ошириш ва стажировка ўташларига;

Ўзбекистон Республикаси Президенти ёки Ҳукумати қарорлари асосида вазирлик ва идораларнинг Ўзбекистон Республикаси Давлат бюджетидан ташқари жамғармаларига ажратмаларни амалга оширишга;

олий таълим муассасалари ходимларини моддий рағбатлантиришга (устама, мукофот) ва уларга моддий ёрдам кўрсатишга;

олий таълим муассасалари талабаларини ижтимоий муҳофаза қилиш доирасида бир йилда бир талабага энг кам иш ҳақининг олти баробаридан ортиқ бўлмаган миқдорда бир йўла моддий ёрдам кўрсатишга;

олий таълим муассасаси фаолиятини амалга оширишини таъминлаш учун зарур бўлган бошқа харажатларни қоплашга.

35. Харажатларни амалга оширишда маблағлар биринчи навбатда стипендия, иш ҳақи ва унга тенглаштирилган тўловлар ҳамда энергия ресурслари ва коммунал хизматларнинг ҳақини тўлаш мақсадларига йўналтирилади.

36. Олий таълим муассасаларининг контракт асосида таълим олаётган талабаларига стипендиялар, уларни ўқитиш учун тўловлар амалга оширилгандан кейин тўланади. Бунда, стипендия фақат ўқитиш учун тўлов амалга оширилган ойлар учунгина берилади.

37. Олий таълим муассасаларининг ўқитишнинг контракт шаклидан тушган маблағлари Бюджет ташкилотларини ривожлантириш жамғармаси таркибига киритилмайди.

38. Ўқитишнинг контракт шаклидан тушган ва вақтинчалик бўш турган маблағлар олий таълим муассасаси томонидан Ўзбекистон Республикасининг молиявий барқарор ва тўлов қobiliяти юқори бўлган банкларининг депозит ҳисобварағларига танлов асосида жойлаштирилиши мумкин. Олинган фоиз даромадлари олий таълим муассасасининг ўқитишнинг контракт шаклидан тушган маблағлари даромадлар ва харажатлар сметасига киритилади ҳамда мазкур Низомнинг 34-бандида назарда тутилган мақсадларга сарфлаш учун тақсимланади.

39. Олий таълим муассасалари томонидан ўқитишнинг контракт шаклидан тушган маблағлар ва улар сарфланишининг бухгалтерия ҳисоби қонун ҳужжатларида белгиланган тартибда юритилади.

Олдинги таҳрирга қаранг.

40. Ҳар йили олий таълим муассасалари томонидан ўқитишнинг контракт шаклидан тушадиган маблағлар бўйича календарь йилга даромадлар ва харажатлар сметаси ишлаб чиқилиб тасдиқланади ҳамда бўйсунуви бўйича тегишли вазирлик ёки идорага рўйхатдан ўтказиш учун тақдим этилади.

(40-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонлибуйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

41. Олий таълим муассасаларининг ўқитишнинг контракт шаклидан тушган маблағлари бўйича даромадлар ва харажатлар сметаларига ўзгартиришлар, календарь йил давомида ўқитиш учун тўлов миқдори, иш ҳақи ва стипендиялар миқдорларининг, энергия ресурслари, коммунал ва эксплуатация хизматларининг нархлари ҳамда тарифлари ўзгарганда, шунингдек олий таълим муассасалари таклифлари асосида белгиланган тартибда киритилади.

Олдинги таҳрирга қаранг.

42. Олий таълим муассасаларида ўқитишнинг контракт шаклидан тушган маблағлар бўйича даромадлар ва харажатлар сметаларини тузиш Бюджет ташкилотлари ва бюджет маблағлари олувчиларнинг харажатлар сметаси ва штат жадвалларини тузиш, тасдиқлаш ва рўйхатдан ўтказиш тартиби тўғрисидаги **низомига** (рўйхат рақами 2634, 2014 йил 15 декабрь), шунингдек мазкур Низомга мувофиқ амалга оширилади.

(42-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонлибуйруғи (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

43. Олий таълим муассасалари томонидан ўқитишнинг контракт шаклидан тушган маблағлар бўйича даромадлар ва харажатларнинг ҳисоботларини тузиш, тасдиқлаш ва тақдим қилиш Ўзбекистон Республикаси Давлат бюджетидан маблағ билан таъминланадиган ташкилотларнинг даврий молиявий ҳисоботларини тузиш, тасдиқлаш ҳамда тақдим қилиш бўйича**қоидаларга** (рўйхат рақами 2270, 2011 йил 27 сентябрь) (Ўзбекистон Республикаси қонун ҳужжатлари тўплами, 2011 й., 39-сон, 408-модда) мувофиқ амалга оширилади.

44. Олий таълим муассасалари ўқитишнинг контракт шаклидан тушган маблағлар бўйича даромадлар ва харажатлар сметаларининг бажарилиши ҳақидаги чораклик ва йиллик ҳисоботларни бўйсунуви бўйича тегишли вазирлик ёки идорага белгиланган тартибда тақдим этишлари лозим.

V боб. Ўрта махсус, касб-ҳунар таълими муассасаларида ўқитиш учун контрактнинг расмийлаштирилиши, тўлов миқдори ва уни амалга оширилиши

45. Ўзбекистон Республикаси Вазирлар Маҳкамасининг 2012 йил 6 июлдаги 200-сон «Ўзбекистон Республикасида ўрта махсус, касб-хунар таълими тўғрисидаги низомни тасдиқлаш ҳақида»ги қарорига (Ўзбекистон Республикаси қонун ҳужжатлари тўплами, 2012 й., 28-сон, 315-модда) мувофиқ касб-хунар коллежи манфаатдор вазирликлар ва идоралар, иш берувчилар, меҳнат ва аҳоли бандлиги органлари билан ҳамкорликда контракт асосида:

ўрта махсус, касб-хунар маълумотиغا эга бўлмаган шахсларни умумтаълим мактабларининг 11-синфлари битирувчилари касбий тайёргарликка эга бўлишлари учун ўрта махсус, касб-хунар таълими дастурлари бўйича;

иккинчи мутахассисликни олишни хоҳловчи ўрта махсус, касб-хунар маълумотли шахсларни ўрта махсус, касб-хунар таълими дастурлари бўйича ўқитиши мумкин (бўш ўқув майдонлари, зарур ресурс таъминоти ва ўқитувчи кадрлар мавжуд бўлган тақдирда).

Олдинги тахрирга қаранг.

46. Ўрта махсус, касб-хунар таълим муассасаларида контракт асосида ўқитишнинг тўлов миқдори Ўзбекистон Республикаси Молия вазирлиги томонидан Ўзбекистон Республикаси Олий ва ўрта махсус таълим вазирлигининг Касб-хунар таълими маркази ҳамда бошқа манфаатдор вазирлик ва идоралар билан келишилган ҳолда белгиланади.

(46-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

47. Хорижий фуқароларни ўрта махсус, касб-хунар таълим муассасаларида контракт асосида ўқитишнинг тўлов миқдори мазкур Низомнинг 14-бандида кўрсатиб ўтилган тартибда белгиланади.

48. Иш ҳақи миқдорининг, энергия ресурслари, коммунал ва эксплуатация хизматларининг нархлари ва тарифлари ўзгариши муносабати билан контракт асосида ўқитишнинг тўлов миқдори ўқув йили давомида қайта кўриб чиқиши мумкин.

49. Ўрта махсус, касб-хунар таълими муассасаларида контракт асосида ўқитиш учун контрактнинг расмийлаштирилиши, тўлов миқдори ва уни амалга оширилиши мазкур Низомнинг 5—12, 15—17, 19, 20, 22—25 ва 27—33-бандларида белгиланган тартибда амалга оширилади.

VI боб. Ўқитишнинг контракт шаклидан тушган маблағларни ўрта махсус, касб-хунар таълими муассасалари томонидан тақсимланиши

50. Ўқитишнинг контракт шаклидан тушган маблағлар ўрта махсус, касб-хунар таълими муассасаси даромадига киритилади ҳамда белгиланган тартибда тасдиқланган даромадлар ва харажатлар сметасида қуйидагиларга сарфлаш учун тақсимланиши мумкин:

ўрта махсус, касб-хунар таълими муассасалари ходимларининг иш ҳақи ва унга тенглаштирилган тўловлари, шунингдек ягона ижтимоий тўловлар бўйича харажатларни тўлашга;

ўрта махсус, касб-хунар таълими муассасаларида бино ва иншоотларни сақлаш ҳамда коммунал хизматлар бўйича харажатларни тўлашга;

мавжуд кредитор қарзларни узишга;

ўқув-лаборатория бинолари ҳамда бошқа бино ва иншоотларни, асбоб-ускуналарни жорий ва капитал таъмирлашга, ўрта махсус, касб-хунар таълими муассасасининг ҳудудини ва атрофини ободонлаштиришга, шунингдек қурилиш-тиклаш ишларига;

ўқув, илмий-тадқиқот ва лаборатория жиҳозлари, юмшоқ ва қаттиқ инвентарлар, мебеллар, ўқитишнинг техник воситалари, компьютер техникаси ва уларнинг эҳтиёт ҳамда бутловчи қисмларини, керакли материалларни ва бошқаларни сотиб олиш ҳамда таъмирлашга;

ўрта махсус, касб-хунар таълими муассасаси Ахборот-ресурс маркази (кутубхона) фондини тўлдиришга;

«Маънавият ва маърифат» тадбирлари, «Универсиада» ва «Баркамол авлод» спорт тадбирлари, «Ниҳол» ижодий фестивалларини ўтказишга;

Ўзбекистон Республикаси Президенти ёки Ҳукумати қарорлари асосида вазирлик ва идораларнинг Ўзбекистон Республикаси Давлат бюджетидан ташқари жамғармаларига ажратмаларни амалга оширишга;

ўрта махсус, касб-хунар таълими муассасалари ходимларини моддий рағбатлантиришга (устама, мукофот) ва уларга моддий ёрдам кўрсатишга;

ўрта махсус, касб-хунар таълими муассасалари ўқувчиларини ижтимоий муҳофаза қилиш доирасида бир йилда бир ўқувчига энг кам иш ҳақининг олти баробаридан ортиқ бўлмаган миқдорда бир йўла моддий ёрдам кўрсатишга;

ўрта махсус, касб-хунар таълими муассасаси фаолиятини амалга оширишини таъминлаш учун зарур бўлган бошқа харажатларни қоплашга.

51. Харажатларни амалга оширишда маблағлар биринчи навбатда иш ҳақи ва унга тенглаштирилган тўловлар ҳамда энергия ресурслари ва коммунал хизматларнинг ҳақини тўлаш мақсадларига йўналтирилади.

52. Ўрта махсус, касб-хунар таълими муассасаларининг ўқитишнинг контракт шаклидан тушган маблағлари Бюджет ташкилотларини ривожлантириш жамғармаси таркибига киритилмайди.

53. Ўқитишнинг контракт шаклидан тушган ва вақтинчалик бўш турган маблағлар ўрта махсус, касб-хунар таълими муассасаси томонидан Ўзбекистон Республикасининг молиявий барқарор ва тўлов қобилияти юқори бўлган банкларининг депозит ҳисобварақларига танлов асосида жойлаштирилиши мумкин. Олинган фоиз даромадлари ўрта махсус, касб-хунар таълими муассасасининг ўқитишнинг контракт шаклидан тушган маблағлари даромадлар ва харажатлар сметасига киритилади ҳамда мазкур Низомнинг **50-бандида** назарда тутилган мақсадларга сарфлаш учун тақсимланади.

54. Ўрта махсус, касб-хунар таълими муассасалари томонидан ўқитишнинг контракт шаклидан тушган маблағлар ва улар сарфланишининг бухгалтерия ҳисоби қонун ҳужжатларида белгиланган тартибда юритилади.

Олдинги таҳрирге қаранг.

55. Ҳар йили ўрта махсус, касб-хунар таълими муассасалари ўқитишнинг контракт шаклидан тушадиган маблағлар бўйича календарь йилга даромадлар ва харажатлар сметаси ишлаб чиқилиб тасдиқланади ҳамда бўйсунуви бўйича тегишли вазирлик ёки идорага рўйхатдан ўтказиш учун тақдим этилади.

(55-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли буйруғи (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

56. Ўрта махсус, касб-хунар таълими муассасаларининг ўқитишнинг контракт шаклидан тушган маблағлари бўйича даромадлар ва харажатлар сметаларига ўзгартиришлар, календарь йил давомида ўқитиш учун тўлов миқдори, иш ҳақи миқдори, ва коммунал, эксплуатация хизматлари ва энергия ресурслари нархлари ҳамда тарифларининг миқдорлари ўзгарганда, шунингдек ўрта махсус, касб-хунар таълими муассасалари таклифлари асосида белгиланган тартибда киритилади.

Олдинги таҳрирге қаранг.

57. Ўрта махсус, касб-хунар таълими муассасаларида ўқитишнинг контракт шаклидан тушган маблағлар бўйича даромадлар ва харажатлар сметаларини тузиш Бюджет ташкилотлари ва бюджет маблағлари олувчиларнинг харажатлар сметаси ва штат жадвалларини тузиш, тасдиқлаш ва рўйхатдан ўтказиш тартиби тўғрисидаги **низомга** (рўйхат рақами 2634, 2014 йил 15 декабрь), шунингдек мазкур Низомга мувофиқ амалга оширилади.

(57-банд Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сонли**буйруғи** (рўйхат рақами 2431-1, 13.10.2017 й.) таҳририда — Қонун ҳужжатлари маълумотлари миллий базаси, 2017 й.)

58. Ўрта махсус, касб-хунар таълими муассасалари томонидан ўқитишнинг контракт шаклидан тушган маблағлар бўйича даромадлар ва харажатларнинг ҳисоботларини тузиш, тасдиқлаш ва тақдим қилиш Ўзбекистон Республикаси Давлат бюджетидан маблағ билан таъминладиган ташкилотларнинг даврий молиявий ҳисоботларини тузиш, тасдиқлаш ҳамда тақдим қилиш бўйича **қоидаларга** (рўйхат рақами 2270, 2011 йил 27 сентябрь) (Ўзбекистон Республикаси қонун ҳужжатлари тўплами, 2011 й., 39-сон, 408-модда) мувофиқ амалга оширилади.

59. Ўрта махсус, касб-хунар таълими муассасалари ўқитишнинг контракт шаклидан тушган маблағлар бўйича даромадлар ва харажатлар сметаларининг бажарилиши ҳақидаги чораклик ва йиллик ҳисоботларни бўйсунуви бўйича тегишли вазирлик ёки идорага белгиланган тартибда тақдим этишлари лозим.

VI боб. Яқуний қоидалар

60. Таълим муассасаларининг раҳбарлари, молия ва бухгалтерия хизматлари ходимлари тўлов-контракт асосида ўқитишдан тушган маблағлар бўйича даромадлар ва харажатлар сметасининг тўғри тузилиши, уларнинг бажарилиши бўйича ҳисоботларнинг ҳаққонийлиги, шунингдек бюджетдан ташқари маблағларни тасдиқланган сметаларга мувофиқ мақсадли сарфланиши учун қонунчиликда белгиланган тартибда жавобгардирлар.

Олдинги таҳрирга қаранг.

61. Таълим олишнинг тўлов-контракт асосида келиб тушадиган маблағларининг тўғри сарфланиши ва маблағлардан мақсадли фойдаланиш устидан назоратни тасарруфида таълим муассасалари бўлган вазирликлар ва идоралар, Ўзбекистон Республикаси Молия вазирлигининг Давлат молиявий назорати бош бошқармаси, унинг ҳудудий органлари ва жойлардаги молия органлари қонунчилик томонидан тақдим этилган ваколатларга мувофиқ амалга оширади.

(61-банд Ўзбекистон Республикаси олий ва ўрта махсус таълим вазирининг 2018 йил 27 февралдаги 4-2018-сонли**буйруғи** (рўйхат рақами 2431-2, 27.03.2018 й.) таҳририда — Қонун ҳужжатлари маълумотлари миллий базаси, 28.03.2018 й., 10/18/2431-2/0944-сон)

62. Мазкур Низом Ўзбекистон Республикаси Молия вазирлиги, Халқ таълими вазирлиги, Соғлиқни сақлаш вазирлиги, Маданият ва спорт ишлари вазирлиги, Ташқи ишлар вазирлиги, Қишлоқ ва сув хўжалиги вазирлиги, Алоқа, ахборотлаштириш ва телекоммуникация технологиялари давлат қўмитаси, Давлат солиқ қўмитаси, Ўзбекистон Бадий академияси, «Ўзбекистон темир йўллари» давлат акциядорлик темир йўл компанияси ва «Навоий кон-металлургия комбинати» давлат корхонаси билан келишилган.

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ
ВАЗИРИНИНГ
БУЙРУҒИ**

**ОЛИЙ ВА ЎРТА МАХСУС, КАСБ-ХУНАР ТАЪЛИМИ МУАССАСАЛАРИДА
ЎҚИТИШНИНГ ТЎЛОВ-КОНТРАКТ ШАКЛИ ВА УНДАН ТУШГАН
МАБЛАҒЛАРНИ ТАҚСИМЛАШ ТАРТИБИ ТЎҒРИСИДАГИ НИЗОМГА
ЎЗГАРТИРИШ ВА ҚЎШИМЧАЛАР КИРИТИШ ҲАҚИДА**

(Қонун ҳужжатлари маълумотлари миллий базаси, 16.10.2017 й., 10/17/2431-1/0109-сон)

**[Ўзбекистон Республикаси Адлия вазирлиги томонидан 2017 йил 13 октябрда
рўйхатдан ўтказилди, рўйхат рақами 2431-1]**

Ўзбекистон Республикаси Президентининг 2017 йил 2 сентябрдаги ПФ-5177-сон «Валюта сиёсатини либераллаштириш бўйича биринчи навбатдаги чора-тадбирлар тўғрисида»ги [Фармони](#) ҳамда 2017 йил 28 апрелдаги ПҚ-2932-сон «Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида»ги [қарори](#), шунингдек Ўзбекистон Республикаси Вазирлар Маҳкамасининг 2017 йил 2 июндаги 347-сон «[Тошкент давлат юридик университетида кадрлар тайёрлаш тизимини янада такомиллаштириш чора-тадбирлари тўғрисида](#)»ги ҳамда 2017 йил 20 июндаги 393-сон «[Олий таълим муассасаларига ўқишга қабул қилиш, талабалар ўқишини кўчириш, қайта тиклаш ва ўқишдан четлаштириш тартиби тўғрисидаги низомларни тасдиқлаш ҳақида](#)»ги қарорларига мувофиқ буюраман:

1. Ўзбекистон Республикаси олий ва ўрта махсус таълим вазирининг 2012 йил 28 декабрдаги 508-сон буйруғи (рўйхат рақами 2431, 2013 йил 26 февраль) (Ўзбекистон Республикаси қонун ҳужжатлари тўплами, 2013 й., 9-сон, 120-модда) билан тасдиқланган Олий ва ўрта махсус, касб-хунар таълими муассасаларида ўқитишнинг тўлов-контракт шакли ва ундан тушган маблағларни тақсимлаш тартиби тўғрисидаги [низомага иловага](#) мувофиқ ўзгартириш ва қўшимчалар киритилсин.

2. Мазкур буйруқ расмий эълон қилинган кундан эътиборан кучга киради.

Вазир И. МАДЖИДОВ

Тошкент ш.,
2017 йил 28 август,
5-2017-сон

Ўзбекистон Республикаси олий ва ўрта махсус таълим вазирининг 2017 йил 28 августдаги 5-2017-сон [буйруғига](#)
ИЛОВА

**Олий ва ўрта махсус, касб-хунар таълими муассасаларида ўқитишнинг тўлов-контракт шакли ва ундан тушган маблағларни тақсимлаш тартиби тўғрисидаги
низомага киритилаётган ўзгартириш ва қўшимчалар**

1. [2-банд](#) «қабул квоталари доирасида» деган сўзлардан кейин «ҳамда қабул квоталаридан ташқари» деган сўзлар билан тўлдирилсин.

2. [3-банд](#) қуйидаги мазмундаги иккинчи хатбоши билан тўлдирилсин:

«Хорижий фуқароларни Тошкент давлат юридик университетида ўқишга қабул қилиш Ўзбекистон Республикаси Вазирлар Маҳкамасининг 2017 йил 2

июндаги 347-сон «Тошкент давлат юридик университетида кадрлар тайёрлаш тизимини янада такомиллаштириш чора-тадбирлари тўғрисида»ги қарорига мувофиқ амалга оширилади.»;

[иккинчи хатбоши](#) учинчи хатбоши деб ҳисоблансин.

3. [10-банддан](#) «(Ўзбекистон Республикасида яшаш гувоҳномасига эга бўлмаган хорижий фуқаролар учун Ўзбекистон Республикаси банкларида чет эт валютасини миллий валютага айирбошлаганлиги тўғрисида тегишли хужжат билан)» деган сўзлар чиқариб ташлансин.

4. [21-банд](#) қуйидаги таҳрирда баён этилсин:

«21. Ўзбекистон ёшлар иттифоқи томонидан моддий ёрдам сифатида талабаларини ўқитиш учун тўловлар қонун хужжатларига мувофиқ амалга оширилади.».

5. [22-банд](#) қуйидаги мазмундаги хатбоши билан тўлдирилсин:

«Қўшимча оширилган тўлов-контракт асосида қабул қилинган абитуриентларнинг биринчи ўқув йили учун тўлови Давлат комиссияси томонидан белгиланган муддатларда амалга оширилади.».

6. [23-банд](#) қуйидаги таҳрирда баён этилсин:

«23. Хорижий фуқароларни ўқитиш учун белгиланган тўловлар миллий валютада амалга оширилади, қонун хужжатларига мувофиқ тўловлар чет эл валютасида амалга оширилиши мумкин бўлган ҳолатлар бундан мустасно.».

7. [24-банд](#) қуйидаги мазмундаги хатбоши билан тўлдирилсин:

«Оширилган тўлов-контракт миқдори Давлат комиссиясининг қарори ҳамда олий таълим муассасасининг абитуриентларни дарсларга қатнашишга рухсат бериш тўғрисидаги буйруғи қабул қилинган санадан қатъи назар, тўлиқ тўланади.».

8. [27-банд](#) қуйидаги таҳрирда баён этилсин:

«27. Талаба ўқув интизомини ва олий таълим муассасасининг ички тартиб-қоидаларини бузганлиги, бир семестр давомида дарсларни узрли сабабларсиз 74 соатдан ортиқ қолдирганлиги ёки ўқитиш учун белгиланган миқдордаги тўловни ўз вақтида амалга оширмаганлиги сабабли талабалар сафидан четлаштирилганда ёхуд белгиланган муддатларда фанларни ўзлаштира олмаганлиги (академик қарздор бўлганлиги) сабабли курсдан қолдирилганда олий таълим муассасаси томонидан унинг тегишли ўқув семестри учун амалга оширилган тўлови қайтариб берилмайди.».

9. [30-банд](#) қуйидаги мазмундаги хатбоши билан тўлдирилсин:

«Белгиланган муддатларда фанларни ўзлаштира олмаган (академик қарздор бўлган) талаба курсдан қолдирилганда тўлов миқдори ўқиши давом этадиган ўқув семестри учун амалга оширилади.».

10. [42-банд](#) қуйидаги таҳрирда баён этилсин:

«42. Олий таълим муассасаларида ўқитишнинг контракт шаклидан тушган маблағлар бўйича даромадлар ва харажатлар сметаларини тузиш Бюджет ташкилотлари ва бюджет маблағлари олувчиларнинг харажатлар сметаси ва штат жадвалларини тузиш, тасдиқлаш ва рўйхатдан ўтказиш тартиби тўғрисидаги низомга (рўйхат рақами 2634, 2014 йил 15 декабрь), шунингдек мазкур Низомга мувофиқ амалга оширилади.».

11. [57-банд](#) қуйидаги таҳрирда баён этилсин:

«57. Ўрта махсус, касб-хунар таълими муассасаларида ўқитишнинг контракт шаклидан тушган маблағлар бўйича даромадлар ва харажатлар сметаларини тузиш Бюджет ташкилотлари ва бюджет маблағлари олувчиларнинг харажатлар сметаси ва штат жадвалларини тузиш, тасдиқлаш ва рўйхатдан ўтказиш тартиби тўғрисидаги низомга (рўйхат рақами 2634, 2014 йил 15 декабрь), шунингдек мазкур Низомга мувофиқ амалга оширилади.».

12. Мазкур ўзгартириш ва қўшимчалар Ўзбекистон Республикаси Молия вазирлиги, Халқ таълими вазирлиги, Соғлиқни сақлаш вазирлиги, Маданият вазирлиги, Жисмоний тарбия ва спорт давлат қўмитаси, Ташқи ишлар вазирлиги, Қишлоқ ва сув хўжалиги вазирлиги, Ахборот технологиялари ва коммуникацияларини ривожлантириш вазирлиги, Давлат солиқ қўмитаси, Ўзбекистон Бадий академияси, «Ўзбекистон темир йўллари» акциядорлик жамияти ҳамда «Навоий кон-металлургия комбинати» давлат корхонаси билан келишилган.